
УЧКЎПРИКДА УЙ ШАРОИТИДА ЕНГИЛ САНОАТ МАҲСУЛОТЛАРИ ИШЛАБ ЧИҚАРАЁТГАН 535 ТА ОИЛА УЧУН УМУМИЙ ИШЛАБ ЧИҚАРИШ ВА САВДО КОМПЛЕКСИ БАРПО ЭТИЛАДИ

Вилоят ҳошими Хайрулло Бозоров Учкўприк туманида бўлиб, Бобошбек МФЙда барпо этиладиган енгил саноат маҳсулотлари ишлаб чиқариш комплексидан ўрин олиши режалаштириладиган оилавий ишлаб чиқариш лойиҳалари билан танишди.

Уй шароитида енгил саноат маҳсулотлари ишлаб чиқараётган 535 та оилани бирлаштирадиган ушбу умумий ишлаб чиқариш ва савдо комплекси 13,6 гектар ер майдонида қад ростлайди.

Учкўприк туманидаги Бобошбек, Бекмурод, Зиғир, Палохон ва Яккамулла маҳалла фуқорolari йиғинларида олиб борилган ўрганишлар натижасида Бобошбек МФЙда 252 та, Бекмурод МФЙда 57 та, Зиғир МФЙда 114 та, Палохон МФЙда 52 та, Яккамулла МФЙда 60 та хонадонда фуқаролар томонидан енгил саноат маҳсулотлари (тикувчилик ва трикотаж) ишлаб чиқарилаётганлиги аниқланди. Мазкур тадбиркорлик субъектларида 3287 та аҳоли вакиллари меҳнат қилмоқда.

Ўрганиш жараёнида 509 та тадбиркорнинг 5,55 гектар савдо майдонига, 280 та тадбиркорнинг ишлаб чиқариш учун 8,05 гектар ер майдонига талаби борлиги маълум бўлди. Тадбиркорлар томонидан билдирилган дастлабки таклифга кўра, жами 13,6 гектар ер майдони ажратилса, қўшимча 7580 та иш ўринлари яратилади.

Вилоят ҳошими иштирокида ўтказилган учрашувда тадбиркор оилалар ўз лойиҳаларини тақдим этиш билан бирга, ишлаб чиқараётган маҳсулотларини ҳам намоиш этдилар.

Хайрулло Бозоров Учкўприк туманидаги “Uchko'prik Duxoba-Dacron” корхонаси томонидан пахта чиқиндисини қайта ишлаш орқали целлюлоза қоғози ишлаб чиқаришни ташкил этиш лойиҳасининг бориши билан ҳам танишди.

Умумий лойиҳа қиймати 50 миллиард сўм бўлган корхона тадбиркорнинг 23 млрд. 700 млн.сўм ўз маблағлари ҳамда Асака банк Қўқон филиалининг 2,6 млн. доллар қийматидаги банк кредити ҳисобига барпо этилмоқда.

Йиллик ишлаб чиқариш қуввати 10 минг 200 тонна бўлган корхонада бир йилда 55 млрд. сўмлик маҳсулот ишлаб чиқариш кўзда тутилган. Май ойида ишга тушириш режалаштириладиган корхонада 500 та янги иш ўринлари яратилади.

[Бизни ижтимоий тармоқларда кузатинг Facebook,](#)
2021-03-25 19:34:48